

INUIT ATAQATIGIIT INATSISARTUNI



UKA2021/027

Oktobarip 21-at 2021

Mariia Simonsen

Inatsisartut Naalackersuisullu pillugit Inatsisartut inatsisaata allanngortinneqarneranik Inatsisartut inatsisaat. (Kukkunersiuinermut Ataatsimiititaliap pisinnaatitaanera aamma paasissutissanik atortussanillu piumasaqarsinnaatitaanera).

(Inatsisartut Siulittaasuat)

(Aappassaaneerinnineq)

Inatsisartut kukkunersiuinermut ataatsimiititaliaat pilugu inatsimmik allannguutissatut siunnersutip aappassaaneerneqarneranut atatillugu Inuit Ataqaatigiinnit ima oqaaseqarusuppugut:

Inatsisartut Kukkunersiuinermut Ataatsimiititaliaata Naalackersuisut ingerlatsinnerannik nakkutilliisussaataitanera Inatsisartut inatsisiliortutut Naalackersuisullu inatsisit naapertorlugit ingerlatsisussaataasutut, taamalu pissaaneqarfiit siulliattut aappaattullu inissisimanerata, malitsigaa pissusissamisoortoq pisariaqartorlu. Pisaanerup pingasoqiusangorluni avissimanera nunani innuttaasut naalackersueqataanerata naapertorlugu ingerlasuni toqqammaviuvoq qajannaatsoq, sunaluunniilli qajannaakkaluartoq akulloqqutsiffissamininnguamik nassaarsiortunit nassaarfigineqarsinnaavoq. Tamanna matumani inatsimmik allanngortitsisariaqalernermut pissutaarpiarpoq. Inatsimmi erseqqissumik allanimangimmat 2020-mi Naalackersuisuusut paasissutissanik Kukkunersiuinermut Ataatsimiititaliamut tunniussiumaataarput, ataatsimiititaliaq taama pisinnaatitaaffeqarnerseq apeqquserlugu.

INUIT ATAQATIGIIT INATSIARTUNI



Inatsimmi putu taanna maanna milinneqartussanngormat Inuit Ataqatigiinni qamanngavik qujassutigaarput, nuannaarutigarpullugu Inatsisartuni partiit pinngitsoqaratik isumaqatigiillutik tamanna naqissusermassuk.

Inatsisartut Kukkunersiuinermut Ataatsimiititaliaat paasiumasaanik erliguunneqartussaangilaq, akornusersorneqassanani kinguarsarneqassananilu, tamannalu inatsisikkut maanna paatsuugassaajunnaarlugu allassimasussanngormat Inuit Ataqatigiinnit qujassutigaarput, siunnersuullu pingajussaaneerreqannginnermini inatsiseqarnermut ataatsimiititaliamut kaajallaaqqaalaarnissaa inassutigalugu.